

MUP Kantona Sarajevo
Uprava policije
Depeša broj: 02- 47
Datum: 20.12.2018. godine

VD N

MINISTRU - za informaciju

URED POLICIJSKOG KOMESARA-šefu Ureda
SEKTOR UNIFORMISANE POLICIJE - načelniku
SEKTOR KRIMINALISTIČKE POLICIJE – načelniku
SEKTOR ZA POLICIJSKU PODRŠKU – načelniku
SEKTOR ZA PRAVNE, KADROVSKE, LOGISTIČKE POSLOVE,
EDUKACIJU I ANALITIKU-pomoćniku policijskog komesara
SEKTOR ZA MATERIJALNO-FINANSIJSKE POSLOVE-pomoćniku policijskog komesara
JEDINICA ZA PROFESIONALNE STANDARDE – načelniku
PRVA POLICIJSKA UPRAVA - načelniku
DRUGA POLICIJSKA UPRAVA- načelniku
TREĆA POLICIJSKA UPRAVA- načelniku
ČETVRTA POLICIJSKA UPRAVA- načelniku
PETA POLICIJSKA UPRAVA- načelniku
ŠESTA POLICIJSKA UPRAVA – načelniku
SEDMA POLICIJSKA UPRAVA – načelniku

VEZA : Depeše Uprave policije broj: 02/PK-1-14- od 17.03.2016. godine,
02/PK-1-48 od 19.06.2017. godine,
02/7-9 od 12.03.2018. godine,
02/7-10 od 12.03.2018. godine,
02/7-12 od 27.03.2018. godine i
02-17 od 27.04.2018. godine.

Depešama, brojevi i datumi veze, policijski službenici, kao i državni službenici i namještenici u Upravi policije Ministarstva unutrašnjih poslova Kantona Sarajevo, upozoreni su na neophodnost poštivanja i primjene odredbi Zakona o unutrašnjim poslovima Kantona Sarajevo, Zakona o policijskim službenicima Kantona Sarajevo, Pravilnika o izgledu, obilježavanju, registraciji i korištenju motornih vozila Uprave policije MUP-a Kantona Sarajevo, Instrukcije o pravilima ponašanja policijskih službenika Uprave policije MUP-a Kantona Sarajevo i Policijskog etičkog kodeksa za policijske službenike Uprave policije MUP-a Kantona Sarajevo.

I pored navedenih upozorenja, postoje saznanja da pojedini policijski službenici, svojim ponašanjem nanose štetu ugledu Uprave policije i Ministarstva u cijelini, posebno kada su u pitanju objave sadržaja i komentara, koji se tiču rada kako Uprave policije i Ministarstva, tako i rada drugih organa i institucija, putem društvenih mreža, zatim neovlaštenom i neprimjerenom komunikacijom s građanima, općinskim, kantonalnim i drugim organima vlasti i medijima, boravkom u sportskim kladionicama i ugostiteljskim objektima u uniformi ili u toku radnog vremena, nepropisnim nošenjem uniforme i dijelova uniforme, te korištenjem službenih motornih vozila suprotno odredbama Zakona o osnovama sigurnosti saobraćaja na putevima u BiH i Pravilnika o izgledu, obilježavanju, registraciji i korištenju motornih vozila Uprave policije MUP-a Kantona Sarajevo.

S tim u vezi, rukovodiocima osnovnih i unutrašnjih organizacionih jedinica Uprave policije nalažem da odmah, bez odlaganja, putem nadzorne i kontrolne djelatnosti, održavanjem radnih sastanaka, putem otprema i doprema smjena, kao i na druge adekvatne načine, preduzmu mjere i radnje iz svoje nadležnosti na otklanjanju uočenih nedostataka, a po potrebi da i iniciraju odgovarajuće postupke u skladu sa zakonskim i podzakonskim propisima radi utvrđivanja odgovornosti.

Potrebno je da se ponovo svi zaposlenici upoznaju sa sadržajem depeša, broj i datum veze, kao i aktuelnim obavezama na provođenju naloženih zadataka.

Za realizaciju naloženih aktivnosti čini odgovornim rukovodioce osnovnih i unutrašnjih organizacionih jedinica.

Nadzor nad provođenjem naprijed naloženih mjera i radnji vršit će Odjeljenje za unutrašnji nadzor, koordinaciju i usmjeravanje Sektora uniformisane policije, a u slučaju saznanja o propustima, nepravilnostima i nezakonitim aktivnostima, u skladu sa utvrđenom procedurom, Odjeljenje za unutrašnju kontrolu Jedinice za profesionalne standarde će preduzimati mjere i radnje iz svoje nadležnosti.

POLICIJSKI KOMESAR
Generalni inspektor policije

Mevludin Halilović

